



Мэбета вадава” ила’ панан’ етри’ мэква”!

НЯРЪЯНА

НЭРМ



№ 23 (5297)
2026 по’
июнь иры’
6 яля

СУББОТА

ГАЗЕТА 1931 ПО’
АПРЕЛЬ ИРЫ’ ЮКАД ВАТА
ХАСАВАЮДИМДЕЙ
ЯЛЯХАД НУДИБЕРҢА

СИ’ ИВ ЯЛЯХАНА
НОПОЙ’ СЕРТАБИВА’

Российская Федерация Ямало-Ненецкий автономный округ




Сидяңг: Марина Ярой’ тадтавы

Нердена” халэдо’
ныдэйдэ’

2

Мякнато’ мэ”



Сидяңг: Марина Ярой’ тадтавы

Я’ сяр’ ниня маңгты” иры’
нюртей яляхана һацекеы” ед’ сер-
тавы хэбидя ялям’ ядабтамбива”.
Та’ ёльцяңгана хуркари” сяна-
кубц, пирдырма, концерт пихиня

сертаби”. Тюку по’ тарем’ ни
ерев”. Сарёда, хадда һобкана
ладыбидинзь. Надьбято’ һацекеы”
мякана майбтамбидонзь. Хибя-
хартамдо’ ниць юр”. Ненэйва-

на пыхыдадо’ лекаратамбада”
һацекеы” ед’ һарка ненэця”, ерв”
лаха ядэрһаць. Хусувэй ян’ тара-
на мядонзэйдомдо’ тэвраць. Мал’
саць маймбиць. Нәцекеы” товы”

мядондидо’ сёхона, тарабцохона
ядабтамбидонзь.

(Пелямда 8 страницахана
толара”)

Марина Яр’ падвы

Икана ни” тосаңгу”

Нэрм’ тер” е”эмня
о́кругханана” хур-
кари тарана няд”ми
һадимдемби”.

2026 похона мю-
серта” нина” нядәң-
госэйдэ’ хаця һок-
маць. Хахаяда яля’
һани’ сава юнм’ нам-
даваць.



Сидяңг: Марина Ярой’ тадтавы

2 стр. һа

Харе” вадавнандо’ ва”лэй”

Ямал’ школаха”на
тохолкода” һацекеы”
Северо-восточной
олимпиадахана ва”-
лэй” һэвамдо’ һани’
манэ”лабтадо’. Не-
нэй ненэця’ сидя
вадандо’ харавна:
Пяко”, выңгы” не-
нэцие” вадавна падна”.



Сидяңг: Марина Ярой’ тадтавы

3 стр. һа

Тоходко хитадят”



Маньде путана”
урокатуң чупей мэ-
эйтоньш. Чукипохона
маня” Пюд дяханана
һупдяңкня классха-
на тоходкота” няхал
дэнал һок, кашемдю”
класс’ хитадамы” –
мат’ дэналкат ва’та
няхалдю” һашки”.



Тадтама: Андрей Пяк тадтамы

6 стр. һа



Нердена” халэдо’ ңыдэйдэ’

Сэр” пан Саля’ яв’ мюмня хэңгадавамда нивэва” хамеда”. Ид’ лаңгхана мядодо’ мярна” нёёто’ вада ит’ моё”ядонзь. Хусувэй яля’ пыдо’ мале едандо’ терад ня”марпи”.

Хэвы си”ив яляхана Надымской районхана ёраць пэвыдаць. Пыдо’ сидя си”ив яля’ пирувна ңахат похотато’ мере”ңа”. Ёртидо’ ватавы” сюдбьяко” пыридо’ мале манэ”лабтэйдонзь. «Бородин» КФХахана нердена яляханато’ ңоб” тонна самляңг юркад вата кыла халя’ ңокадм’ ңыдавыць. Поңгахато’ нёя”, пыри”, пайха”, ңани” таросыда” халя” еребер”ңа”. Та’ ямбан’ тикамдо’ тамна ңокамдаңгудо’. Хусувэй по’ Надым’ яха’ мюня юд’ мян’ ту ңанохо”на ёр”ңа”.

Шурышкарской район’ няна салабада мер’ хэңгадаңга. Таняна ңод” ңобтики ватаңгольд”. Горковской халя’ заводадо’ мат” ю” тет тонна халям’ ңыдавысь. Тедари’ яёл”, таросыда” халя” ңэрха”. Приуральской районхы «Аксаровское РПП» ёр”тя” ю” тонна халям’ ватавыць.

Ты” ниць иры’ 20 яляхад маңгы’ иры’ 15 яля’ ңэсонд’ округна” ңарка еси”мана ёраць нидо’ ңэдарамбю”. Саля’ Яв’, Тасу’ яв’, Пур’ яха’ няна поңгарць вэва. Та’ ёльцяңгана халя’ тиребямда ха”аврамби. Ня”амравы” ненэця” ңока есям’ салдамбаңгу”.

Тюку по’ округна” тиңгывна няд”мидо’ тамна ңокамдавыдонзь. Ңоб” тонна таросыда” халэ” (пыри”, нёя”, лысу”) ватава’ няю’ 136 есям’ ңоб” кила’ е”эмня



Сидяңг: Марина Ярой’ гадтавы”

салдаңгу”. Ңахат тикадо’ яландя юр” сидя ю” есясь. Ерводо’ предприятийха”нато’ недбидо’ харто’ недво”мы” есяхатато’ салдамбаңгудо’. Няд”ма’ есяңэ туртахат халядани”, ңытна”, ңани” икня нядаңгоди” недбям’ ңокамдамбаңгу”. Тикы’ хавна

«Меркурий» мутрам’ мэ”ма’ нямна лаханаць. Тикар халя’ тэнзм’, ханяна ватавы ңэвамда таминда тасламбида. Едэй мутрадо’ интернетсипой” ңани’ манзара пир”ңада.

Марина Ярой’ падвы”

Икана ни” тосаңгу”

Ѓэрм’ тер” е”эмня округханана” хуркари тарана няд”ми ңадимдемби”. Тарем’ невхы иринато’ ила’ саирм’ нёдана” ненэцие нядаби”. 2026 похона мюсерта” нина” нядаңгосэйдэ’ хаця ңокомаць. Хаяда яля’ ңани’ сава юнм’ намдаваць.

Надымской, Пуровской, Тазовской районхана ңанохоно ңэдалёрць мэталд’ паныдо’ ня”марпа пявы”. Малесидя юр” ненэця” тикы’ няд”мам’ ня”амва’ няю’ падродо’ ңэдабтавы”. Ңокханда округна” тер” е”эмня ңопой ёнаркад вата тарця панэм’ тэмдавы”. Ңопой мяд’ тер” е”эмня сидярим’

мипа таславы”. Закон’ вато’ сер’ ңанохоно ңэдалёб”, «жилет»м’ мэць тара. Тарем’ ненэця’ маяхад лэтрёда.

Тикы’ хавна лимбья’ иры’ нюртей яляхад ңэрм’ тер” электростанция’ еся’ мир”нэ няхар” ю” ёнар” есям’ ня”марпи”, бензинто’ еся’ мир”нэ – похона ңопой яңорэй’ юкад вата сидя ёнарм’ мэ”ңа”.

Ѓэрм’ тер” серо тидхалембада департаментхана манзарана Григорий Лымар’ вадавна, 4,5 мюсерта” ненэця” мято’ терад ня”амвы”. Тикыдо’ – мяд’ ңу”, сырэй”, таңы” ея”, хор” (кор), лата”, ной”, поңга”, пардон” лабтэй”. Тарця няд”маневхы иринато’ ила’ саирм’ нёданаха” таславы.



Сидяңг: Марина Ярой’ гадтавы”

Ненэця” таңга ңэдалёрта”

Ямална” тиңгывна нюдя хардава” ңока. Районто’ ерки” марад” ёльцянд’, тикы’ хавна нюдя хардато’ помна тир”тя ңанохо”на ңэдалёрць пир”ңа”. Илаңганато’ тарана” серодо’ тасламба тикым’ сава няд”маңэ мэ”ңадо’. Неноховавна таңы нумгана тир”тя ңано” тародо’ таясеты.

Билетадо’ интернет’ мутравна «Ямал» авиакомпания сайтхана мирдапидо’. Тикы’ хавна хусувэй нюдяко хардахана, тир”тя нулаңгалвахана хуркари харад” ңэсонд’ тэмдорць сава.

Теда’ Антипаюта’ тер” ңани’ тарем’ тэмдорць пиртадо’. Новый Уренгойн’, Хальмер” Седе”эн’, Находкан’ таңга ңэдалёрта”. Ңахат сер’ касса” ңани’ манзара”.

Ңани ңопой юн тарця: тюку та’ Новый Порт’ няд Саляңгарад’ ёльцянд’ ту ңано ни ядэрт”. Е”эйданда тир”тя ңано ңэдалёрта. Си”ив яляхана сидя яңорэй’ тир”та: вторникхана няби пятницахана. Небо’ вэва нумгана ту ңано” мале сян мэва’ Новый Портан’ ниць тэвор”. Ненэця” ханяхарт’ хэсь я”мадонзь. Тедахав’ лекар” мят’ хэсь, ныланава’ ёто’ ңэсонд’ тэва ни” тосаңгу”. Сата мерцяри, синёри сиддо’ табла пирта. «Морошка» картавна тэмдорпато’, билетадо’ хаця мирцяңгу”.

Тир”тя ңано” хурка” ялэ’ сер’ тир”мам’ тасла, тамна ңамгэхэв хонраванда таяб”, тюку телефонувна лахана сава:

8 (34922) 2-52-51

Харе" вадавнандо' ва"лэй"

Ямал' тер" школаха"на тохолкода" Северо-восточной олимпиадаха"на ва"лэй" нэвамдо' җани' манэ"лабтадо'. Тохолкода" җацеки" сяхари' теневабцодо' хорпа конкурсаха"на тарасеты". Тикы' няю' маня" яханана" няд"маңэ таславы сер" җока. Җобто' – олимпиадаха"на тарава.

Россия' яхана" самляңг юкад вата си"ив ненэцие" тэнз" харе" вадавнандо' җобтики олимпиадам падыби". Ненэй ненэця' сидя вадандо' харавна: Пяко", выңгы" ненэцие" вадавна падна". Тене-



Сидяңг: Анна Яптик' тадтавы



Сидяңг: Марина Ярой' тадтавы

Анфиса Яр, Тамара Яр – Җэдя' харад' школа' тохолкодаха', җобтики нерня ха"амвэхэ".



Сидяңг: club171750249 няд ханаы

вабцодо' манэ"лабтаван' харвана" нюрте"э' интернетхана таславы платформахана манзаи пэрҗа". Тамна' тяха' теневанаридо' падна җамдорҗа". Тодо" яха"на мэб"нандо' җод" таславы часхана олимпиадахандо' җобнзер" пэңга". Җацеки" тохолавыто' сер' хуркари" манзаи" тэнз сертаби": тест, сочинения, изложения падыби". Тохоламыты' хавна хуркари" серо"мана нюрцьм' нэвамдо' җани' манэ"лабтамбидо' – вадихари, хобцоку, паднани" падвы тидхалемби".

Тюку по' Ямалхадана" самляңг юд' мян' школаха"на тохолкода" олимпиада' нябимдей этапхана пирдырмы". Җюри" тасалко"махад маня" яхадана" ю" җарка җацеки" призёрҗэ ха"амвэд". Сямянхат ва"лэйдо' ти": Елена Айваседо няби Нина Няруй пыди' Самбург' харад' тер тохолкодаха'. Елена Вэнго, Анфиса Яр, Тамара Яр – Җэдя'

харад' школа' тохолкода". Новый Порт школахад Виолетта Вануйто, Дарья Яптунай нерня ха"амвэд". Сеяха' харад' няд пудана по тохолкода – Дмитрий Вэнго ва"лэй нэвысь. Яр-Салья' школахана сидядо' нерня ха"амвэхэнзэ: Яна Салиндер няби Мария Яптик нэвысь.

Пыдо' олимпиадаха"на призёрҗэ ха"амвандо' е"эмня сяхари' институтан' тохолковандо' няю' няд"маңэ таславы балдо' тания". Җоб" олимпиадам' падыбавы җацекекэхэна лаханакурҗаваць. Тикы' нява" Сэяха' харад' тер тохолкода, нюмда Дмитрий Вэнго. Пыда тюку' по' школахана пудана тохолкова' помда ёльцеби. Тадри' экзаменда пад"махаданда сяхари' минреванда манзаянда' няю' тохолкованзэ ханда. Теда' призёрҗэ нэвада институтан' хэбта җани' мянунванда няд"маңэ тараңгу. Сита тохоламбадада, Меретя

Григорьевна Тусида вадида тарцяць:

– Җацеки" олимпиадаха"на пыхыдадо' хорпаван' харвабато', урокахатато' теневанаридо' ни" томд". Вада' сямян' харам' теневава' е"эмня ваҗоця" җацеки" тамна җани' ханяримна теневабцодо' җокадамбабато' тара. Школахана тарця" серо" няю' хуркари" кружок" тания". Урокани" хавна «Краевед» кружокм' минредм'. Тикан' турта" җацекекэхэ"нани Ямал' яна" ил' нямна җоб" лаханакурцетыва", хуркари" мэкад" җавэ сертабасетыва".

Ненэй вадамдо' сававна минрена" ва"лэй" җацекекэхэ, сиддо' тохоламыдито' ед' җарка" вадимэ"җава". Харта янда илм', харта вадамда тенева"ненэць' сяхари' ханяхартана ни нямзена җамдэд", җоб" нерняку' җэңгу.

Алла Вануйто' падвы

Дмитрий вадавна, олимпиадаха"на нюдя классха"на тохолкованда мальнүгэхэд тара. Хусувэхэт пыхыдамда торомдамбава. Ненэй ваданда хавна луца' вадавна, толырм' пэртя урока"та олимпиадаха"на җобтики паднавы

Мяд' тер" илм' мэйрамби"

1993 похона ты" ниць иры' 15 яля мяд' тер" яляңэ таславы. Ямал' яна" тигүгэхэд Саляңгардан' мядо' тер" серо тасланзэ ненэця" ма"люрҗаць.

Саляңгарад' маркана җэда җарка музейхана тасалко ма"лэвы" ваде"мэдо' җока. Тикы" ненэцие" поңгана тодо" манзаи минрена" лаханаць. Еся" няд"ма", интернетм' ханзер" торомдамбава', лекар' серо" нямна тасалковыць. Неноховавна җока ню вадабада", евакоҗэ хаёвы", җани" хуркари" вэва" серт' еремы" ненэцие" няю' нядоңговам' тензибтець. Тасалковы" ненэциена" теда' вадэдана" җацеки" ханзер" табэдамбава', тидхалембава' нямна җани' ибедорҗаць. Хусувэндо'

ваде"мы мяд' тер' илм' сибицёвна минрева' е"эмня тарабцода тания.

Җока ненэцие" поңгана «Ямалню"на" я!» Ассоциация' ерв' нядаңгода Ольга Хоротэтто форумхана вадам' минресь. Пыда мяд' тер" помнандо' җобнзер" нэвамдо', нидо' нядабавамдо', сямамдо' хэтась. Вадавнанда, хуркари" ненэця" тэнз" невхы" паңгодо' юрибабто' вэва, нюхуто' вадепато' тара. Я' ханярина мяд' тер" таниява нерняҗы илма" мэйрамби.

Тарем' җобт' ма"люрма, тасалкова сяхаринда сава сер". Маня" Ямал' яханана" хуркари" нядаңгода" программа" тания", ненэцие" ед' җарка таром' ха"аврамби".

Алла Вануйто' падвы

Тохолковамдо' ёльцеңгудо'

Сайнормахана мэвы" ненэцие" е"эмня Ямалханана" яңга тохолкова тания. «Герои Ямала» нубе"җа. Тикы' проект округна" нермбэртя' табековна 2025 похона җадимдевы.

Җокханда няхар" юкад вата яна" тер" едэй теневабцудо' мэць ханярина нэвахы ервнэ манзара пиртадо'. Пыдо' 2025 по' вэба' ирыхыд яна" серо ня"амбада" ервхат тохолкурҗаць.

Теда' маңгыты" иры' няхаромдэй яля' тохолковандо' пудана пеля пэңгу". Ю" яля' ямбан' тамна тохолкурта". Сиддо' тидхалембавы" нидо' няць сертавы", падвы" манзаидо' җадимдембаңгу". Җока нито' сакна минреванда" серодо' вадета". Тадри' ханяңыдо' сайнорти нядабаван'

харва". Җанидо' сёбар" ненэцие нерня' тидхалембаңгу". Тарем' Новый Уренгой' тер Илья Ульянов сайнорта" нита мяд' тер" е"эмня «СВОе место» нубета платформам' сертавы. Танияд ненэця" няд"мадамдо' хомбаңгу". Ноябрьскхана илена Сергей Предыбайло варюци" ненэцие волейболхана җамдэ сынако тохоламбаңгуда.

Тарця проектхана мэна" илесь яханато' тамна җока таром' тэвраңгу". Харто' манзаяси" ни" мэңгу", тикы' хавна тад җани" сайнормахад товы" нидо' нядабаңгу". Хибяхавм' тэри табедангудо', җаним – сава серт' тидхаленгудо'.

Галина Окоэтто' падвы

«Няръяна Їэर्म» , недарма

1931 **НАРЪЯНА ЇЭРМ**

1949 **НЯРЪЯНА НГЭРМ**
КРАСНЫЙ СЕВЕР

1972 **НЯРЪЯНА НГЭРМ**

1987 **НЯРЪЯНА ЇЭРМ**

1991 **НЯРЪЯНА ЇЭРМ**

1997 **НЯРЪЯНА ЇЭРМ**

2012 **НЯРЪЯНА ЇЭРМ**

2020 **НЯРЪЯНА ЇЭРМ**



● ТЫ ПЭРМА

ТЫ' ХАЇГУРҲА'

Неняңг прыхана гад тава' вертолётва' цыт- сата ендя' яля' тебван- няри пядя. Пойда тире до' нули ханяхартаха- помна няхар' мядм ма- на хыңгам' ненэця', нэ'нава'. Мале ёркола- ты' ниць хомбю'. Тюку ны'нава'. Мале ёркола- тенд тамна ядемби'. до' сярвыдо'. Бригадир- Епдя ялэ' ёльцяңгана то' О. И. Вануйто сид- цюкая' ты' падевандо на' ядабта, ма:

сер' нито' нэ' танпи' — Тюку та' саць ядемби. Яёл тына' сён- няхар совхозхана мэд- зято мюмня хаңгурҲа'. на ты цюка-Ненеховав- Хуняна саць вэвакудо- на «Ямальской» сов- хабартына'. Неси' нэв- хоз нэсыхана' хаңгур- раңэ ханда'. Тюку по- та ты цюка... Лакри мэ- планавя' тоенаңгу'.



Ты' пэрти' варемдо' маниенара' А. Х. Око- мэ'ца'. Малкобнандо' тэтто. Илеванда ямбаң- тыдо' хараси' вэнеко- ты' пэрмарим' нэда. хона ниде' хуңгыла'. Цани' цюпой сидяңга- Хансо' ялэ' саць цатей- хана цэсыдо'.

Ты' пэрти' варемдо' маниенара' А. Х. Око- мэ'ца'. Малкобнандо' тэтто. Илеванда ямбаң- тыдо' хараси' вэнеко- ты' пэрмарим' нэда. хона ниде' хуңгыла'. Цани' цюпой сидяңга- Хансо' ялэ' саць цатей- хана цэсыдо'.

Мор тырабтамби'

Ямальской районхы «Россиям» нюбета сов- хоз' царка ты' лекара- да Юрий Лявавич Хо- роля тандая' выңгад то'ось. Танияна нарэй тыдо' толобабць вакна' ты' пэрти' мор маторпа нядабидась. Етя серта- вы матора мэта цамгэ- хана, ты' мор' санаб- тамбавыдо.

Панаевск' хардан ты- работаванзь тэвравэдо' 1500 кила. Мор тыраб- гамбадаңэ Андрей Око- тэтто тара. Тикы не- нэць цавнанда ты' пэр- гяңэ тарась. Тиканда манзаянда техэ саирм саць теневада.

Х. Окоэтто' падвы.

Ҳаң немэн муй? Пыдар цюмл цамгэ? Опрась немэн муй? — Еркарар хурка? Асилан аңкилан хо- та уллат? — Нисяха- юд небяхаюд ханяна илеңаха? Асен муй верл? — Нисяр цамгэм' пэрңа? Хул велал. — Ерңа. Вой велал. — Хане- сеты. Аңкен верман ул? — Небяр цамгэм' пэрңа? Асема нётл. — Нисяв нядаби. Наң луң парайн муй? — Та' пыдар цамгэм пэрцетын. Асема нётлам. — Ни- сяв нядабасетыдм'. Хоты утлтын? — Хан- зер' тохолкун?

ЛАХАРЁ

Яма. — Сававна. Етлув, телевизор вап- Хун етмалн, холта таяув, киная яхлув. — манлан? — Тохолко Сянакосетьва', телеви- малемяхаданд ханя зоран' сырцетыва', ки- хандан? но' хантетьва. Ат уйтлем. — Ехе- Интернати камн няв- радм. ремул? — Сян цэцекы интернатхана еле? Катсот. — Двести. Ма института ман- лам. — Мань институ- Кат смена? — Сидя тан хандадм. сменахана тохолкуда? Интернати ям улты? Ай няврем олаңмет — Интернатхана иле- сменайн, ун няврем ки- ва сава? мет сменайн. — Нюдя- Ям. — Сава. ко цэцекы' нюртей сме- Ёхи ат лытлайн? — нахана. царка цэцекы' Мьяканд нин харва? нябимдей сменахана. Така ар няврем. — Г. Одмова. Тюкона цэцекы цюка.

Туда' тэхэ'на мэни- Али Ильич Вэлло' на' саць тэтнавандо' мяд' хэвхана манэ'ца' ёльць'. Хусувэй цэсы- ваць. Пяку' то' хэвхана, хына су'ляко' цэдибе- пэдара' поңгана Вэл- лыд'. Ненэця', ненехо- ло' мя' цэсеты. Та- вавна цэцекы' саць няна нямэхэна Пётр маймби'. Тандая' ваде- Лозямов' письмо' пуд- дана' сую' маниева' ядэрңаваць. Нер' ма- то'олхари' цэсеты'. Цэ- вааци', теда' тэтнава' вкаця' ервото' пумна ёльць'. Цэдьбята мяка- мят' тамна цюңгаңгу'- на цюпой не' хавна хи- ма. Нюдяңэдаханда бяхарт яңговысь. Тикы цэвкэңэ вадабавы ты Вэлло' пухуця, вэсако- цоб' мята хэвхана мэ- да тэхэ'на мэвысь. Цэв- цюгу. ка яхадейкоридо' мяд' Тюку Г. Тахоля' гад- хэвхана сюрась. Тикым тады сидяңгахана цо- теда' ти сидяңгахана той тарця цэвкэ яха- маниера'. Тим- дейм' ти маниера'. Г. Одмова.

САЛЯ ЯВМ' МАДАДО'

Саля яв' тяханяңы мюд сита' цэте сырад «Салехардской» сов- тир' сюнраха тирдарев' ваңган' нулмыд'. Пыда һади. Тамна тальцуна һод парома Ихил мале ирсу паллада паё' пэ хатмы. Нензамендямда сяд толаха'. «Сале- ит' питарңада. Итя ха- хардской» совхоз' нюр- нянда цэ сэхэромна хая. тей цэсыхананда ты' Цю- Цюб нэдале няби цю- пэртияңэ тарана Вален- дамда нерня' санаб- тин Терентьев ханамда тада. Таминандо'. Цэ- вадарць Саля' яв' ва- тенавы нида' пумнан- рувна ядэрңа. Лакри' да пядо'. пуны сылы. Цэсында Валентин Терентьев

ТЕНЕВАДА

Луца вадавна тарям цэңгу: нея — младшая сестра матери, дочь сестры отца; мяңгу — сын старшей сестры; сюнэ' — сын или дочь сестры матери, цынаб' — отец жены, муж старшей сестры, старший брат женый ий — муж дочери, муж младшей сестры; Сел' — муж сестры; няба — жена старшего брата, жена младшего брата отца; надо' — младший брат жены, младший брат мужа, мяңг — сын старшего брата мужа; янэ' — отец зятя, невестки. Тамна цани' хурка' пэробц' та- нясыты? Теневабта' газета' ян паднада'. Тикы' хавна ехэрана цамгэ падыда' мэкад иле'мя' цэя.

1990 похона падвы'

Ю" пом' мада"



Юд' по' тяхана Санкт-Петербург' няна тохолкода" Ямал' тер" илебей" ненэця" џобт' ма"льщ. Тев' тенат' тикы пявы серто' тамна нерня' миџа. Тарем' толаб", џокханда няхар" ёнар" мат" юр" самляңг ю" яля' џобкана мэ". Теда' несэй" џацекы" ненэця" ня"амбидо'.



Сидяңг": Алексей Салидер' тавы"

Таџок" по" ямбан' сертавы манзая џока. Ѓавна тэри џопой вадарихид, яля' ня' џэда иџукад џадимы серць. 2015 похона ма"люрць таравам' Ѓэдя' тер Максим Няч ваде"ладась. Тамальџгана ма"нисяв": «Ѓарка хардахана мэнаџэ џобняку' џэб"на", нина" нядабаб"на" тара. Хусувэй по' Ямал' няд тюкон' тохолкодина" турџа"». 2016 по' яра иры' 29 яляхана нюртей џуданданаџэ сита тэраваць. Пыда А.И. Герцен' нюмна нюмдевы тохолкулава' яхана тохолкусь. Сидна" џобт' ма"ламбасеты, нерня' пэрцеты. Тарем' таслаб", харта яланда џамгэхэртм' серта нивыкы пират". Неноховавна хэвхананда мэвы", марцьхэданда таравы" нида сита сававна нядабиць. Пыдо' ёльце харбё", пуны' ниня џэда" ненэцяць. Поңгнандо' ненэй ненэця", хаби", џани" тэнз" мэць. Тёняџы яхат џэда" џани' таяць: Ненэцие" округ-

хад, Ензя', Хаби" я', Санэро" Республика' тер". Ханзер" џобкана нерня' минзь таравата тамальџгы" похо"на ненадumasь. Тюку ялэ" џэсонд' тикы минм' тамна нёдадо', мэввна ня"амбидо'. Техэ" хэвы" по" тотрев' харе" вадидо', џэрм' тер" ила' саирм' тяхасовна нерня' минредо'. Побтики «Меридианы дружбы», «Российский Север» форуман' хан"џа". Та' «Ямальский абитуриент» проектм' пэрџа". Тамна џани" хуркарихи"на мэ".

Ѓуданданаџэ таравы мале



Дарина нюртей по' РАНХИГС нюбета тохолкулава' яхана тохолку. Сёяха' няд џа.

џокась. Хусувэйпо' едэй ненэцям' тэрабасеты". «Ямал-ню"на" я!» Ассоциация' џэвахана мэна Эдуард Яунгад сиддо' џоб" ма"ламбасеты. Серото' ханзер" мимам' етри' маниесетыда. Минрена манзаямдо' пыда тидхалембасетыда. Тохолковахана тарця нив џа", по ханда – џанисэй" тута", џанидо' тохолковамдо' ёльце"мяхадандо' мякандо' ханда". Ѓадьбьята џопойри ненэць' џудонда вунида пирас". Юд' по' сер' мале сянм' нерня' пэрџаць. Пыдо' мал' тодо" хардахат џа".

Максим Няч ня"амбавы серм' 2017 похона Восяхово' няд џэда Алексей Конев пядась. Тикы' пуд 2018 похона хая" Хальмер" Седе"э' тер Любовь Лапсуй џудандась. 2019 похона Белоярск' выџгана вадёвы Марта Ѓокэйм' нерня' мэць. 2021 похона Новой Порт' теран' Ѓокэй' Алинан' миць тасладонзь. Нянда пуд Татьяна Василенко џамгэ' пирт' џуданданась. 2022 похона џани' хасава џудахата ня"мадась. Овгорт' терм' Виталий Куртямовм' тэраць. 2023 похона Василий Тыли-

ков нерня' џадимьясь. Нерцьой нянда ня' џопой яхад џаха'. Таддикахад 2024 похона џуданда пявыдо' Панаевск' тер Сэрой' Ябнесь. Пыда пуданда џуданданам' сидя пон' тэраба пядонзь.

Тандая' џарка соя"ма' ялямдо' мэ"манзэ ма"люрџаць. Сяхаџгав' џуданданаџэ таравы" няби нядаџговы" ненэциедо' хамыць. Санкт-Петербургхана Максим Няч, Алексей Конев, Виталий Куртямов мядоџаць. Пыдо' хавнандо' Эдуард Яунгад, џэрм' тер серо тасламбада департаментхана манзарана Лидия Кельчина тикахана мэџаханзь. Нерня Ябне Сэрой' сертабавыта нямна лаханась.

Тад пуна едэй џуданданам' тэрабиць. Ѓуданданадандо' Дарина Папаковна Вануйти хаясь. Вадавнанда неранда няна џудандавы" нита табеку тамна' тяха' нёдаџгуда. Тохолкоди нядаба тасламби. Ѓани" землячество" ня' нятван' харва. Яля' ня' џэда сертаван' харванато' џока. Марцьхэданда Ребась Никита няби Дарья Ѓокэй' хаяханзь. Няби' сиддо' нядабаванзь ватораць.

Сямянхат варемдо' мэ"мыдо' «Ямал-ню"на" я!» Ассоциацияхад, округна" Законодательной Собранияхад, Ѓэрм' тер" џарка Ассоциацияхад, Санкт-Петербург маркана округна" серо тидхалембадахат, округна џэрм' тер серо тасламбада департаментхад ненадумда"ми падро ня"маць.

Ѓарка соя"ма' яляндо' ед' савари" вади џэдараμβива". Серодо' нерняри' минрейдо'. Сава нядамдо' хомбая". Побнзер" нидо' нядаба илея". Санкт-Петербурган' едэйвана турта" нидо' сяхаринда џатая", нядабая".

Анна Яптик' падвы

ОБЪЯВЛЕНИЕ

Ямалхана СВО' няна сайнорта" ненэцие", мято' тер" е"эмня џадимдевы" няд"ма"



Интернет' мутравна сидна" хось пирџада", тюкон' тюда"





Кампулшата дя'

Дюпяма, хыда дюҗа, дя' кас-на. Хыдаң җыдаң җаймы" кампол" хэйман җычимя". Таям чейня шанат калтыхина" мэна", выҗкна, петалахана дидина" неша" мятутуң кэв кампулкат вылташту". Нум дюпямахат калту" та'амна шанат тэмс" неша" җокна җайваҗаш". Пюд дяхана дидина" неша", дуса" кампулу" җомтапиш". Шаҗкмян предприятиянина" мансланна" манславштуң мяту"туң кэвхана җайта" дямтуң вылымпиш".

Чиқиң камна ныптако дятдышатуң паркхана җайта", шехеды" кэвхана камчута" кампулу" номтапиш". Кампулшата дяң дет җайта субботникан «Зелёная весна» җопшеды дёнакат ва'та" неша" җомаш". Маня" Җэдм' чел" неша нена" нупчики дямтуң вылампе җайваҗаш". Тотуң мандетуң кэвхана җайта кампулу" җомтапиш". Кадват поҗкна кампул" җука" – нэпак", веш каньку", банка", мяту" мидыш кадимайтун латку", матудмы" пя" педя".

Чиқи дядяхана кампулу" җомтапёта" хомана нетуң нятадьятоңыш. Җомтамайтун ню-



ЗЕЛЕНАЯ
ЭКОЛОГИЧЕСКИЙ
СУБОТНИК
ВЕСНА

Таттама: Андрей Пяк таттамы

чадка кампулотоң патку" мюң пытул'кадя җопт мэштутоңыш. Җалка пя", веш" каньку" чиқи минхантуң машен'канхана җатан тайваштутоңыш. Кампулу" җомтапёта" няхад час' манслаҗаш". Җопшел мат'дют җок дяң пен кампулкат вылтаҗаш", дюдкат ва'та хампляр'кдю" кубометр' җок кампулу" җомтаҗаш". Кадпюдкана дидина" неша" нупчики субботникаха-

на җайваҗаш". Манславштуң мяту"туң кэвхана җайта" дямтуң, ныптако мэ'татуң парктуң, шехедайтун кэв кампулкат вылтаҗаш".

Чиқиң камна дяконтун лаңк ния җайта кампулу" җомтаҗаш". Пюд дяна чел" дилишатуң дямтуң хомяхамтапш җука җайватам шедтаҗаш". Кампулу" җомтапёмы" неша" маньшту", таныше җокна дямтуң кампулкат

вылампиоматоң дльше хома шел.

Чуувна дидина неша" җотнаң чейня дяң хомана касмахат, вайнапта чепьмантуң недьня мятутуң кэв кампулкат вылташту". Таныше мэма дёдыше хома шел, дилишатма дяма нупчики шедялман ха'җа. Дяма кампулшаты, чикехана дяна шедю ни' вомт, дяку", токуши" вит хэлаку" җайты".

Тоходко хитадят"

Маньде путана" урокатуң чупей мэ'эйтоньш. Кашемдю", нупдяҗкня классхана" мэна" җашки" школахана тоходко хитадят". Чуқи похона маня" Пюд дяханана нупдяҗкня классхана тоходкота" няхад дёнад җок, кашемдю" класс' хитадамы" – мат' дёнакат ва'та няхалдью" җашки". Чиқидю" поҗкат хомана тоходко школамтуң хитадамы" җашки" – няхалдью" нуп. Җашки" тоходко хитама дядям шаҗкмян школахана" дёдыше хомана мэ'эйтоньш.

Талкахай школа-интернатхана җашки" тоходко хитама дядян җешанатуң – немянатуң тоҗаш", Җэдм' чел' нешай' дет җайта организацихина мансланна". Чиқи дядяхана тоходкота" җашки" няңтуң мунумы" няха"татоң кудкади" шейхана лимпья" вачи"

намтҗаш". Маньде школахана тоходко хитадят, недьнянатоң, хома шеду дет җайта, шанат җотаку" найҗа".

Чуқи дилихина тоходко хитады" җашки" куше пу" тахана тоходкумамтуң конуппешь экзаментуң миты". Чикехет школам хитадамы" җашки" мансдяң дет тоходко кайны". Кашемдю" класс' хитадамы" кукитуң дю" классан тоходко чепьны". Чуқи дилхана Ямалхана мансдяң дет тоходкота" Җэдм' чел' җашки" нятапитуң. Нельчеэи похонантуң вузан тоходкош кайна" җашки" шитчет'дю" дёнад вешам ня'малпи". Тальша веша" выҗкна, петалахана дидина", нешанатуң – немянатуң мюшалта" җашки" дет тасламы".

Чиқиң камна мансдяң дет вузхана очно тоходкота" Ямалхат мэна" җашки" хомана тоходкомантуң де'эмня округна җалка велд стипендим' нямалпи". Чикитоң нуп дилихина – дю" дёнад веша". Чуқи пуң вёкна маньде дюдкат ва'та дю" хомана тоходкота" тальша нятакома вешам ня'малпёты". Четыдяң школам хитадамы" җашки" экзаментуң мисумахататоң нупчики мансдяң дет тоходко кайны". Талдым кудка нятакома шел таяҗаймам недышт намтатуң тада".

Четаң маня" школам тоходко хитады" җашкэхэ маман ха'җама": неньшадмана экзаменты" миңата", хомана тоходкудита".

Вадидо' лэтрамбада" җобт' тэвормы"

Ты" ниць ирыхына Москвахана ненадо тасалковам' мэ'җаць. Толырманато' тьянэ" тэнз" ненэцие" вадидо' лэтрамбава' нямна лаханаць.

Серодо' нерня' тидхалембаданэ «Дом народов России» няби ООО «Яндекс» манзарана" тараць.

Тодо" ё" тер" вадидо' едэй" мутра няд"мяць лэтравамдо' тасламбиць. ФАДН' җэвахана мэна Игорь Баринов минрена серто' ваде"җась:

– Хусувэй ненэць' харта вадада невхы ири-ната ила' саиркад паңгады. Җадьбьята вадамда лэтрабта, тикахана харта тэнзда я' нид ни тэмзаңгу". Җани" тэнз" поҗгана ни ёход". Вадада едэй" мутра" мюня җэбта тара. Телефонха"на, планшетха"на, нейросетьха"на җэбта етри' иленарха җэңгу. Тикы серкана сидна" Яндекс нядаби. Мале няхаромдэй мэва' җобт' тэвыва". Сертабада манзаява" җади. Тадри' юкад вата тетимдей вада Яндекс Переводчикхана җадимда. Тикы – адыгейской вада. Тарем' Россия' яна" тер" вадидо' лэтрамбыва". Җоб" сер' җобкарт вадам нива" ёт"».

Андрей Болоховитянов, Яндекс едэй мутра' нямна лаханась:

– Җока по" тыхана падвы" газета тола пиртава". Едэй мутра газета' терм' луца вадан' тэвраңгуда. Җарка серҗэ ни толёд". Теда' тамна библиотекаха"на, архивха"на, музейха"на җэда" падро мал' цифровойҗэ сертаңгуна". Неноховавна вадёдана" җацекы" е'эмня җарка таром' минрева".

Вадам' лэтрава нензел" ни җа". Тарем' җод" тодо" я' тер" манзаядо' сэвхана җади. Тадри' ненэй вадава" җани' Яндекс Переводчикхана таяңгу".



Таттама: Андрей Пяк таттамы

Андрей Пяк патмы"

Галина Окоэтто' падвы

Хэбидя җацекеы

Җавна Тасу' яв' вархана хэбидя я таниявы. Тикы хэбидя яхана сив хо вадёвы. Сяны җэпта җод' җоб' хасава ханъяванчъ хая. Яля' ямбан' ядерҗа, амгэрт хось яма. Ихнянта ма: «Хаманчъ хумбати' ядерҗадм'? Ханъясэйми юңгуню»». Тад мяканта хая. Миҗа, миҗа, харта мята хось яма, хадҗо' юху. Харта нись харва' хэбидя ян' тэвы». Сив хом' манэҗа, ихнянта ма: «Тикы хо' пахаҗгана сеҗгалтыв». Хуняна маси' мякани тэвнгув»». Хасавар чумта нароҗочъ мантилаптада.

Пи' саво ерня сиды'. Җачекеы ярмонта. Тад сылы' җани': нянэ-сяри җод' тандая' соявы җачекеы ярмы. Ты' хобана юйдавэҗэ юси-



да. Хасава сейда хая. Җачекэр тари ет' җачекеы нивы җа». Җачекеы пэяхананта няръяна нумгы таниявы, павэхэнанта сэр' нумгы таниявы. Сэвхаюда җани' нумгыдарев' ялкадарҗаха'.

Хасавар җачекэн' сырчъ ма:

– Чуку хибя җачекеы?

Хэбидя хо' поҗгана җоб' лаханана вахалмонта:

– Чуку җачекэр мякант ханад!

Хасавар җачекеым' нямада, мяканта хая.

Сяри хунари ядбата җод' мят'

тэвы». Җачекеым' мят' чуледа, пухучаханта ма:

– Нюдант вадад чуку җачекеым'!

Пухуча җачекеым' манэманта сер' сейда хая, ма' нив:

– Ов, ненэй җачекеы нирханю' җа'! Җылика нюкчаку җэрханю'! Хадаб' саво.

Вэсакода манма:

– Ханзер' хадаҗгув? Тандая' соявы җачекеы нив җа'.

Пухучада манма:

– Ма' нидам, хадаб' саво. Җарвомаданта ненчелм вынини'

мэт'. Хуняна нермя' сивня ит' җэдаптаими.

Хуняна юркъяха'. Хасавар җачекеым' няма, нермян' хая. Тад ит' җэдаптада, ма:

– И' нисяр, и' небяр. Җылика нюкчан җэ' нинав, нянани' нин тара'.

Ти, тандая' соявы җацекеы икня юңгума.

Тикы' пуд няхар' по хая. Няхар' по' ямбан' хасава пухучанта ня сававна илеҗаха'. Ханъя ядертеты, илепча' хадасяты.

Няхар' по' ёльчҗгана хасавар ханъяванта сер' җани сив хэбидя хо' хэван' тэвы». Тэвмахадан-та манэҗада: сив хо' пахаҗгана җацекеы пэмп' таниявы.

Лаханана вахалмонта:

– Сеня' җачекэми вадавы җэбант, Теда' сит нядабадаҗэ хантадамчъ. Җачекэми хадавэн. Тад нерня хапча' җадимта', җа чадимта. Я тиня илена ненэча' хаҗгурчъ пяҗгуду'. Пыдар җани пухучант ня хонё хаҗгун.

Тад хасава мяканта хая. Намдыда мал' вадеяда.

Пухучада җани' ни пунрю', манма:

– Вадида сияк ни' җэҗгу'? Теда' җули' сававна илени', хапчами' амгэрт юңгуню'.

Амгэ' пиркана вэн' мадлыд'. Пухуча пин' җадимя, сырҗа. Җоб' ядна хасава тувы. Тикы хасавар мят' чу, ваван' җамды', манчъ ханада:

– Яля' ямбан' ханъя ядерҗадамчъ. Ханъясэйми җули' юңгуню'. Җули' никададм'.

Тад җорҗа', хонэйд'.

Хувы ялумт җадимгава ядна хасавар юркы'. Мяд' черха' җани' макода' син' сырчъ ванеп-чедархаха', тивриди' хаеры'. Сидяҗэ хавэхэ'.

Ядна хасавар пин' тарпы', хэбидя хо' ян' хая.

Та валакада.

«Ненецкий фольклор»
толаҗгобць' мюд ханавы.
К.И. Лабанаскас' падвы

Мань хардами

Вы' яни ерня
Хоё' полихана
Латамбой яха',
Яха' вархана
Мань хардами
Җэде тания.
Хусувэй яля'
Инзелеб'нани
Тубкари' тоярҗа',
Ихибць' хано'җа',
Ненэця' мирҗа'.
Мань хардами
Тамна җарамда.
Вы' яни' тер'
Мирць тенева'.
Сян манзаян'
Мал' тохода'.
Тованда ялямдо'
Ин' ибе'җадо',
Неранда няд
Ядабтамбаҗадо'.
Мань хардами
Тамна җармая,
Яха' вархана
Вадёдариҗая!


1972 похона

Тыхыко Яр' падвы

Ты' җэсы

Нув нарахав
Ямал' нимня,
Вы' латадан'
Җэдалёдараха.
Мань яни тер'
Сидебадараха.
Манзарава' ня'
Выпадараха.
Җарка вы' ня'
Ты пэртида
Танабадараха.
Җэрм' ям' мерця,
Итя Җабтенана'
Яв' индакав
Җосорбариҗада.
Теда' тюку яля'
Җэсы' ервотава'
Мер' юркавы'.
Няда' яҗгацянда
Хан' латахана
Тойливнонда.
Җэсы' җацекеы
Юркабтамбадакэ,
Вынд' ямдавамдо'
Хытыбадакы.
Теда' тюку яля'
Вынд' ямдаҗгуд'
Ты' ниселава'
Ям' тэвадаҗгу'

Леонид Лапшуй' падвы



Падтама: Руфина Окогэҗго' падтавы



Сидянт: Марина Яр’ой’ тадтавы”

Мякнато’ мэ”



(Нердена пеляда 1 стр. ъа)

Тюку” сидяґгаха”на тодо” яха”на илена” ъацекы маниеда”. Пыдо’ мал’ вы’ тер”. Теда’ хусувэй яля’ тыдо’ мание”, пихиня помнандо’ сянаку”. Иланд’ ёльце маймби”. Хардахана мэта ненадо яляхад ехэрабто’ ъод”, небянато’, нисянато’ хэвхана мэвадо’ ъарка яб”.

Ханяд тарця хэбидя яля ъадимы? Њавна 1949 похона Парижхана не” ъарка мандалавам’ мэ”мы”. Ханярина ъацекы” маяґгад лэтрамбавандо’, сэхэм’ ехэравандо’ е”эмня хэбидя ялям’ сертавы”. Тикы ялядо’ харта ненадумда”масавэй. Маня” яханана” 1950 поход ядабтамбива”.

Ханярина илена” ъацекы” пили” сенз” ъэя”. Маям’, едыам’ ехэрая”!

Марина Яр’ падвы

Газета
«Няръяна ЊЭРМ»Главный редактор
Яр Марина
ТэтакучевнаИ. о. генерального директора
АНО «Ямал-Медиа»
Каврук Татьяна Ивановна№ 23 Подписано в печать 4.06.2026 г.
Вышла в свет 6.06.2026 г.
По графику: 16.00, фактически: 16.00.ПОДПИСНЫЕ ИНДЕКСЫ:
на год – ПА701,
на полугодие – ПР562.Учредитель – департамент внутренней политики ЯНАО
(629008, ЯНАО, г. Салехард, пр-кт Молодёжи, д. 9, каб. 708).Издатель – департамент внутренней политики ЯНАО (629008, ЯНАО,
г. Салехард, пр-кт Молодёжи, д. 9, каб. 708)Газета зарегистрирована – Управлением Федеральной службы по надзору в сфере
связи, информационных технологий и массовых коммуникаций по Тюменской
области, ХМАО-Югре и ЯНАО от 19 апреля 2012 года.
Регистрационный ПИ № ТУ72 – 00559

Тираж 3600 экз.

Заказ № 192 тз (тираж 3600 экз.) отпечатан в АНО «Ямал-Медиа»
Юридический адрес: 629003, Ямало-Ненецкий автономный округ,
г. Салехард, мкр. Богдана Кнунянца, д. 1, каб. 106Фактический адрес: 629007, Ямало-Ненецкий автономный округ,
г. Салехард, ул. Чубынина, 39А

Газета выходит по субботам.

Цена годовой подписки 166 руб. 84 коп.

В розницу не распространяется.

Адрес редакции: 629003, ЯНАО,
г. Салехард, мкр. Богдана Кнунянца,
д. 1, каб. 106
тел. +7 (349 22) 4-53-32

E-mail: nn@yamal-media.ru